

tatem stabiliendam inseruire uidentur, et hoc tam absolutum in Archipresbiteri dominium, et tam cæcam quam à sacerdotibus exigit obedientiam: quid enim magis Tyrannidem et extremam sapit ambitionem, quam in dicta causa, non admissio aut uocato reo, sine lege, sine teste, sine appellationis remedio aut subsidio, extremo famæ et fortunarum supplicio hominem sacerdotem afficere; quod ab Archipresbitero sepius factitatum ostendimus in grauaminibus sanctissimis exhibitis, et ex natura ipsius regiminis loci et temporis in quibus instituitur et uiuitur fieri necesse est probauit ex suis incommodis Pater Personius.

Iustitia (ut inquit Propheta) et pax osculatæ sunt. Quam ergo ex subordinatione illa pacem sperare licet in qua procuranda et exercenda iustitiæ ipsius fundamenta conuellunt! Quod si ex æquo et bono contra omnes naturæ et ecclesiæ leges et canones punire, iudicare, et imperare licet propter temporum et locorum difficultates et pericula, ex æquo etiam et bono obedire licet propter eadem pericula, et sic arbitraria erit tam superioritas quam subiectio.

54, f. 180.

26. *Letter of the four Appellants communicating to their English brethren the papal sentence on the question of Schism.*<sup>a</sup>

Admodum Reuer<sup>dt</sup> in Xp̄o Patres fratresque

Exhibuimus Ill<sup>mis</sup> Cardinalibus Burghesio et Arigonio (quos sanctissimus arbitros instituit in causa nostra, uiros tam pietate et uirtute insignes, quam legum scientia et rerum experientia et animi candore omnibus gratos) rationes quibus ducti distulimus Archipresbitero ante aduentum Breuis Apostolici obedire. Quibus cum sanctissimo communicatis undecimo Aprilis, placuit Ill<sup>mis</sup> Cardinalibus sanctitatis suæ mentem eodem die nobis significare, nimirum quod propter dictam dilationem nec scismatici nec rebelles aut inobedientes extiterimus, et quod confessiones factæ

<sup>a</sup> There is no heading to this document in the original. The letter was signed by the four appellants at Rome, and addressed "to John Colleton and Antony Heborne and the rest of their associates." See above, p. 11.

sacerdotibus, qui ob huiusmodi rationes distulerunt, essent ualidæ et nullo modo reiterandæ, nisi aliud forsân interueniret impedimentum quam quod à tali dilatione haberet originem. Hæc uobis significanda duximus, partim ut multorum conscientijs satisfiat, partim etiam ut ad omnem uos modestiam, charitatem, et humilitatem excitemus tam literis quam exemplo. Quod reliquum est habemus clementissimum Patrem, æquissimos arbitros, neque est quod dubitemus de pristina pace et tranquillitate breuissimè recuperanda. Romæ decimo quinto Aprilis 1602. 54, f. 180b.

Harum literarum exemplar cum utroque Cardinalium reliquimus qui, communicato cum sua sanctitate negocio, responsum tulerunt, sanctitatem suam uelle et jubere, ut hæc ad uos scriberemus<sup>a</sup> unaque moneremus illum intelligere hæc omnia in ultimo suo breui in hunc sensum esse determinata et declarata, perpetuumque silentium huic controuersiæ imposterum imponi iubet, tam in urbe quam in Anglia, sub censuris in eodem breui contentis.

27. *Catalogus Paradoxorum, et Propositionum Temerariarum quæ in primo scripto Illustr<sup>mi</sup> Cardinalibus Burghesio atque Arigonio exhibito latius ostenduntur.*

Paradoxon Primum de authoritate Sedis Apostolicæ negata in constituendo superiore aliquo ecclesiastico in Regno Angliæ. 54, f. 181.

Propositiones habet quatuor.<sup>b</sup>

1. Prima Pontificem non potuisse Archipresbiterum super eos const[it]uere sine ipsorum consensu, nisi contra canones facere uellet. Exempl. discursuum pag. 29.

<sup>a</sup> Colleton, in reporting the papal sentence (*Just Defence*, p. 293), says nothing of this reference to the last brief and to the command of "perpetual silence," which had been entirely disregarded by both sides. Compare p. 193 *infra*.

<sup>b</sup> The books from which the greater part of the following propositions are deduced are the *Important Considerations*, the *Quodlibets*, the *Dialogue betwixt a Secular priest and a lay gentleman*, and the *Sparing Discovery*, all four attributed to William Watson and disowned by the delegates at Rome. The others referred to are the